

商南縣志第二卷輿地目錄

輿地志 第一綱

關隘

交通

古蹟 附陵墓

風俗 附宗教

商南縣志

卷一 目錄

西安藝林印書社代印

商南志第二卷

輿地志

關隘

周禮司險知川澤之阻而達其道路有舟楫以通行旅有橋梁以利往來亦王政之大端也邑居萬山中西接七盤古道東通豫省南達襄江境內阨要之處凡有利濟者例得並載

小嶺關 城南七十里關廢今名打鼓洞夾山鳥道較大嶺關稍下而隘有一夫當關百夫莫踰之險

大嶺關 城南八十里其峯高峻可以南望荆楚雍勝略其關廢

今有觀名大嶺觀州志前後險巖左削壁右峻坡踰嶺者從

商南縣志

卷一 關隘

西安藝林印書社代印

下仰望面天上平地無幾康熙四十五年土寇魏學吳據其處詳紀事

石巖寨 城西南一百二十里其山周圍壁立萬仞惟小徑可上僅容一人中有田一二頃豐腴異常

千丈寨 城西四十里即千丈山今廢州志明季山人築砦以避寇設吊橋莫敢近者

鄭全寨 城南一百八十里山四險如城中有田有井可容數百人相傳明景泰時王彪劉千觔嘯聚山中邑民鄭姓者倡率建砦衆賴以全因名

富水堡 城東二十五里即富水關古陽城驛其地有築堡舊

址明成化八年以蒲城王彪之亂設立巡司康熙十五年裁
青雲鎮 州志金史地理志云在邑境九域志云青雲鎮卽青
雲館荀子云青雲館乃青風館高太素避暑處後人避亂於
此易其名

天寶寨 城東北十五里

人和寨 城東北二十里富水關上松樹溝

森龍寨 城東二十五里王家樓

迎生砦 城東三十里桑樹保

龍窩砦 城南十五里

龍福砦 城東南二十里赤地

商南縣志

卷一 關隘

二

西安藝林印書社代印

青龍砦 城南百三十里湘河保

中和砦 城西三十里試馬寨街對峙

永安砦 城西二十里阜角鋪

保安砦 城西四十里白家川保老虎溝

保合寨 城東南二十五里三角池東

文筆寨 城南四十里青山街後

中王寨 城南四十五里青山保

太和寨 城南四十里青山保

太平寨 城東北三十五里三岔河

偏頭砦 城北十五里兩岔河偏頭山

天保砦

邑南九十里一山高數千仞頂上壘石為砦四圍懸崖峭壁鳥道難行清同治間髮逆將攻砦忽雲霧繞山東西莫

辨賊因去
故名天保

靖平砦

邑南百里慶雲山高萬仞天將雨半山出雲故名山巔一砦名靖平

鳳崗寨

邑南百二十里汪家店保

太平寨

邑東五里鋪街後

商南縣志



卷一 關隘

三

西安藝林印書社代印

水灘

通志云龍駒寨為商舶輳集之所自寨至豫之浙川重灘疊瀨險峻多石每為舟楫患然關中乞糴楚豫由此舟運勞費甚省是亦秦民利賴之大者也故於丹水諸灘詳綴於此庶有心修濬者得有所考

按襄陽至龍駒寨水灘甚多其險而可名者一百三十有六邑境內自梳洗樓以上雷家洞以下共六十有八內最險者二十有四乾隆十三年陳大中丞檄商州估勘俟修

雷家洞以下

王家洞 最險

姚家站

姚家灘

筷子灘

商南縣志

卷一 關隘

四

西安藝林印書社代印

母猪灘 最險

梁家灣 最險

皮鉢子 最險

回回鼻 最險

上周家灘 最險

下周家灘 最險

茶房子
鴛鴦子

呂家灣

戴溪河

閔家圪塨 最險

紅蘿蔔灘

白蘿蔔灘

香毛灘

鐵匠灘

秤鈎灘

竹裏溝 最險

羊皮峽

武關河 最險

畢家洲

鴉鷄灘

兩來溝

觀音上灘

觀音中灘

觀音下灘 最險

魚家崖

圪塔灘 最險

瓦房灘 最險

昇子寺 最險

師婆子灘

鰲灘子

皮狐子

官渡灘

黃龍尾

上徐家店

下徐家店

龍虎三灘 最險

大草場灘 最險

小草場灘

大巴東灘

小巴東灘

青泥窩

黃石梁

大炭溝最險

小炭溝

烏龍漩

烏龍灘

重盤灘

豬槽灘

滾子灘

釣金崖

搖鈴河

上白銀灘

下白銀灘

長樂灘最險

磨兒灘

黃周奎

廟溝灘

湘河溝

四字坪

大蓮灘最險

小蓮灘

馬鞍灘

不淨灘最險

以上灘至梳洗樓止外界牌石月兒灣白石灘共三灘亦在邑境內

商南縣志



卷二 關隘

五

西安藝林印書社代印

交通

電線 前清光緒二十一年始設電報局於龍駒寨上接西安下通河南荆紫關線路由寨至縣西之清油河試馬寨捉馬溝繞縣城西南門東下由王家莊赤地等保出金斗溝至荆紫關邑有要件由龍駒寨或荆紫關拍發電費每字需洋六分六毛

郵政 前清光緒三十一年設郵政代辦處於邑城內民國元年裁驛歸郵間日一班輪流接遞便於交通現西安郵務總局擬改代辦處爲三等郵局

古跡

前賢往矣世代殷遙達人慨慕覩其遺跡所在髣髴如見其人遊其世焉故梁鴻五噫於洛都杜甫踟躕於魯殿周大夫過故墟而生悲羊開府登峴首而志感憑吊興懷先後一致也

丹水竹書紀年堯五十八年放子朱於丹水呂氏春秋堯有丹水之戰以服南蠻在今邑之西南界荀子云昭明虞司徒子初居砥柱後遷商

黃帝二十五子之昆孫商高以地得姓周成王時封於商
史記衛鞅既破魏秦封鞅商於十五邑號商君

雙峯今名舟山並峙如筍蒼松萬株由南巖風磴路轉爐竈宛

商南縣志

卷一 古跡

西安藝林印書社代印

然卽舟里先生隱處時有紫芝生谷中遊其上者嘆爲別有洞天

舟山一名舟子山南巖數武高太素書清風二字旁列石作几作床地高聳眺遠夏日修亭能容膝高臥相傳太素暑簟清風館在此

青山寨之南里許溪西路東有柳高三四丈圍數合老幹離奇形如槐宋儒邵雍手植土人呼堯夫柳又呼宋柳

永安寨古層峯驛路北半畝一區殘石數十片韓文公貶潮州時女亡葬是地或曰暫厝處或曰文公誅茅建亭憩息於墓旁卽此老人告予曰邑古有四蹟文公亭太素館堯夫柳舟山芝

富水驛今富水關古陽城驛避唐德宗時司業陽城姓諱改富水憲宗五年春貶御史元稹爲江陵士曹至富水驛有中使後至驛門已扃中使破門入擊積面受傷宋王禹偁謫商州團練副使過此有微之謫江陵路道商山驛之句史記誤富爲敷梳洗樓僉云武當山祖師出家時披髮跣足梳洗於此或曰妲己蘇娘娘語悉不經山層起若怪石壘成曲磴紆迴險巖登峯羊腸一徑通前巖疊砌或方或圓如箱籠盆盂隙地可容席極目眺遠下視輒心悸股栗山脚列二石肖獅肖犀昔呼獅犀樓今訛獅爲梳訛犀爲洗也余有梳洗樓辨載藝文

捉馬溝失馬寨謂宋太祖失馬捉馬處近有馬家岩馬莊疑二

商南縣志

卷一 古跡

二

西安藝林印書社代印

處初名馬溝馬寨後人好事者增飾之也聞塞翁失馬安知非福乙丑計偕都門九卿保薦觀天顏命來陝作吏代篆白河丙寅補茲邑冬兼攝雒南丁卯因前令失察事被議召見勤政殿還職居局外百六十日回任於失馬寨作塞翁亭以自況俗傳宋太祖於清油河遇魯正恩用爲將初正恩榨油謀生河因以名力大使柞千觔今柞存清油河中形似碑若動之雷輒鳴河東十里路側有正恩墳演劇者亦有此姓氏史無考事屬不經姑載之

或告予曰邑韓家山路傍行者積薪壘石成堆名韓婆墳不知此蜀中他處有之亦名韓婆墳蓋祖道之遺意禮記云菩芻棘

柏周禮大馭掌王玉路以祀及犯輶注云封土象山於路側以
菩芻棘柏爲神主祭之以車櫟輶而去喻無險難又五經要義
曰祖道者行祭爲道路祈也又詩取羝以輶古義云輶祭卿大
夫用酒脯天子以犬諸侯以羊有出行之輶有祭行之輶今復
以草木枝豎巖穴以芻柏爲神主祈行路之福耳唐人胡宿有
詩云長道何年祖輶休卽此意也

邑富水土地嶺路邊有栗一株週圍數抱心空有隙內如覆鐘
中一木棒下垂長三尺許粗倍拱把搖之輒動抽之使下則欲
墜不墜蒂上若有繩繫堅不可奪遇有大風則以木撞木如鐘
鈴自響時人謂爲木鐘楚豫行人相傳爲商南一景道經此者
莫不下馬停車往復流連於不置宣統元年英教士游歷至此
以婦人弓鞋置樹中而木棒自落拾之而去天地生物之奇固
可測而不可測也

森籠寨牆外有松一株高據峯頭挺然獨秀腰間一枝特出較
羣枝獨長杪生無數小枝編綴成形中虛外圓較簸籬猶大以
人力矯揉造作難如此不蔓不支巧自天成時人呼爲松球附
近居民間於夜靜時見此處有燈燭光後又呼爲松燈初一枝
兩結樵人斧其一越數年枝葉愈重爲大風摧折今復於舊枝
並生狀如前

望軍樓一統志載沛公初入關登此山望軍因名望軍山後人

於山頂建樓故名之今邑東十里分水嶺卽其地也

礮臺三處清觀察使親相地勢築之形如城堞架礮防賊入境

一在四條嶺一在梳洗樓一在桑樹界牌

大嶺關古青石嶺邑南九十里嶺上一蘭若明時重修故名大嶺觀清制軍劉克菴入陝經此見其峯高木茂峻極於天大書極天真境四字匾額懸掛觀中以誌勝蹟

朝陽洞邑南四十里在青山之東壁立萬仞半山向南有洞深不可測洞外古木森森儼如終南之碧天朝暎直射洞口因名朝陽山形肖獅子俗呼獅子山中有古刹極清幽清制軍楊載福入陝至此題壁云到此不須臨絕頂已知身近五雲邊

商南縣志

卷一 古跡

四

西安藝林印書社代印

龜山華嚴寺在邑南九十里耀嶺河寺有古松高五六丈形如螭蟠土人呼爲季虯松不知其命名之義又有洪鐘一口重數千觔相傳鐘自飛來因建寺此鐘若懸卽出豺虎噬人至今鐘仍覆地未敢移動

石人邑南百里餘一石高數丈玲瓏古怪肖人形上有面首着石冠穩立地上不知徑幾千百年

馬跑泉邑西南百五十里俗傳古草橋關旁石多馬蹄跡兩邊羣山高聳中有小河一道傍西巖脚一泉湧出水聲淙淙距泉數武一石上有馬蹄跡行三里許則爲石岩寨土人云昔孟禧踞石岩砦蘇娘娘往征至此馬渴甚以蹄跑地出泉因名馬跑

泉後訛跑爲抱語雖不經然避亂此砦者因掘井見有磚瓦之類故記之

中央山在轉路溝西高數仞上有古寺松柏橫青水環四面清

商州刺史黃碧川過此曾題詩以誌其勝

詩載藝文

商南縣志

卷一 古跡

五

西安藝林印書社代印

塚墓

哲人君子生爲當時所仰沒繫後輩之思故師望入殷封比干壙侯芑負土世傳元塚先賢過墓則式蓋有曠代相感者矣兆域所在邑里增輝望松楸而仰止雖疑信相傳謂古人至今存焉可矣

三國

廉康太子墓 在邑西南一百里呂家灣山起小岑狀如北邙之壘州志載太子三國時人炎祚衰微據土僭號爲關鎖所平乾隆十一年奉查按史無其人或劉氏諸藩之裔然史所不紀則訛傳附會可知

唐

商南縣志

卷一 塚墓

西安藝林印書社代印

韓女墓 州志墓在東古層峯驛側文公貶潮時女道亡葬此後文公經過祭弔有詩按昌黎集女已遷殯河陽此其暫厝處不應有墓也層峯驛今邑永安寨北有文公亭基址留題詩是猶未遷葬河陽時耳

詩載藝文

明

典史賈秀儒墓在西關

清

知商南縣事趙宜煊墓在五里牌

附義塚

漏澤園 二處一在城北一在城西

東關義地一墩

北城後義地一墩

西關前清知事趙宜煊捐置義地一墩

北城後邑貢生捐置義地一墩

清油河東義地一墩

沐浴河保義地一墩

富水關義地一墩

對聯載藝文

上森龍寨保義地一墩

桑樹保義地一墩

三角池義地一墩

商南縣志

卷二 塚墓

二

西安藝林印書社代印

梳洗樓義地一墩

王家樓洪家嶺頭義地一墩路瑞廷捐

風俗

古者省方問俗故太史採各國之歌謠而獻之以考士女之貞淫政治之得失此國風所由作也乃繫於水土爲風感於君上爲俗於以返澆漓而還敦龐責有攸歸矣

士習 醇厚樸實尙勤儉急公守法少儀文

州志

民風 厚重質直守法令甘辛苦勤稼穡

州志

隨書地理志云上洛弘農本與三輔同俗自漢高發巴蜀之人定三秦遷巴之渠率七姓居於商洛之地由是風俗不改其壤其人自巴來者風俗猶同巴郡寰宇記俗多獵山伐木深有楚風邑界梁豫秦楚間隰土惟黃白壤原土赤埴瀕河夾沙山水清

商南縣志

卷一 風俗

一

西安藝林印書社代印

曠得陰陽之正候氣應律立春以後漸溫至五月而暑盛立秋以後漸涼屆十一月而寒洹

維南志

元旦 祀先禮神賀新年

立春 設飲食迎春

人日 前後宴客名爲節酒

上元 張燈立火樹士民相與勝概處聚飲行樂

十六日 清晨至午婦女城上遊却百病

二月三日 祀文昌

寒食節 寒食前掃墓至清明日止

四月八日 祀城隍

五月五日 書門符懸艾虎兒童佩長命縷以糯米爲角黍相

餽送

五月十三日 祭關帝

七月七日 女子祀織女穿乞巧針

中元 祀先拜墓

中秋 玩月聚飲

重陽 啖花糕菊酒

十月一日 祀先拜墓剪紙送寒衣

冬至 士行拜禮於官師子弟行拜禮於尊長

十二月八日 食厚粥以米豆麥粳之俗名臘八

商南縣志

卷一 風俗

二

西安藝林印書社代印

十二月二十三日 祀竈

除夕 掛門綵桃符放爆竹一家少長團圍相聚圍爐共酌謂之守歲

羅鑿公曰邑民淳訟簡號易治

賈志

陳大中丞乾隆十年曉諭關中興除事宜告示爲風俗要書云陝省民風直樸尙易化導全賴官長隨時教誡又云陝省素稱儉樸近來日漸奢侈宜平時預爲撙節去浮華以歸實用凡爲民籌久遠者詳且備管子曰衣食足而知禮節又召民之路在上之所好惡噫余爲民牧可勿軫慮耶

增

邑自明末被流寇李自成殺傷殆盡清順治康熙時民少地荒禽獸逼人乾隆二十年後江南安慶數縣人襁負遷商爰得我所聞風興起接踵者日益衆此商南有小太湖之名也地雖屬陝而服食器用文字語言實有南方風氣

立春 設酒食迎春前清時先一日紮春牛芒神置於先農壇官穿朝服乘明轎用彩台裝演古劇鼓樂前導迎春於東郊各官詣芒神前行禮是日遊人如堵至立春時間又行禮鞭春牛農人爭奪春牛相傳有旺畜之說亦迷信也民國三年奉令以陰歷正月元旦爲春節蓋尊春爲歲首之意

上元 城內四街設火神座陳古玩祭品並剪紙爲牡丹桃菊等花插於瓶中誦經禮拜謂之火神會前後三日始撤是夜城鄉紮有花燈彩船獅子等劇歌舞達旦觀者如鯽蓋仿古鄉人儼之義也

二月二日 鄉民執旗作樂結隊而行盛香表於盤朝拜龍王俗呼是日龍抬頭

三月三日 士民相約踏青

四月八日 祀城隍有農器會前後三日商賈輻輳各區亦如之不過會期不一耳

中元 祀祖拜墓延巫人誦經焚紙並賑濟孤魂

重陽 啖花糕飲菊酒士人相率登高

冬至 城鄉有族大丁多者立冬至會祭始祖

十二月八日 俗傳是日貧家男女定嫁娶

二十三日 祀灶神

二十四日 是晚迎先祖

宗教 附仙釋

神仙之設渺茫浮屠之教誕幻君子不道也兩漢宗黃老唐宋好言五宗二者並盛而逃禪尤才慧過人者每樂爲之夫聖人立教庠序學校以育英秀木鐸刑撻以警愚氓所綱維者君臣父子夫婦昆弟朋友之倫所敦勉者敬恩序別信之理上下率由人心以淳風俗以厚出乎此則異端也豈真儒門淡泊收拾不住耶今於廣輿記西安志州志土人相傳附會以載三人

晉

佛圖澄西安府志花子潭在邑南百三十里州志三潭相連石上每潭周十餘丈相傳有西番花子破衣垢面從腹中出腸洗

商南縣志

卷一 風俗附宗教

五

西安藝林印書社代印

數日去因以名廣輿記佛圖澄西域僧晉永嘉間入中國息西安之澄城左乳旁有一孔道徹腹內常塞以絮至夜欲誦經則拔絮一室洞明或過水邊引腸洗之復納入腹中昔洗腸於潭者未必非此僧

唐

韓湘子邑韓家山有湘子廟考河陽志湘字清夫愈之姪孫進士官大理寺丞世傳仙舉愈貶潮州途中遇湘冒雪來憶雪擁藍關之句詢其地卽藍關也因神之商山中如碧天洞湘子巖多托跡處按明陳繼儒神仙辨湘號北渚文公姪老成子兄介孫長慶三年進士文公集有左遷至藍關示湘詩又賈島集寄

韓湘詩有過嶺行多少潮州瘴滿川之句則文公之赴潮湘實從之非邂逅不期之遇而湘第進士去是年纔四年耳後官至大理丞湘固我輩人何得有神仙事云云

明

張騰霧各志載蓮花寺在邑東二十里今寺廢碑記萬曆四十六年戊午張騰霧建騰霧龍駒寨人萬曆中將生父夢蓮花寺僧來家生稍長喜靜好善年五十重修蓮花寺持靜寺中州牧龔淳慕名往視揖不復動乃立化州志龔牧湖廣澧州舉人萬曆年間任則視其立化時年五十龔牧任非萬曆年間可知騰霧非萬曆中生矣州東九十里亦有蓮花寺

商南縣志

卷一 風俗附仙釋

六

西安藝林印書社代印

清

趙信慈金斗溝人住油房嶺藥王廟修煉量寬宏性好靜終日洞然渾然莫測其際常於武當山皇經堂訪明師問道繼入華山修行煉丹得道家真傳每逢歲旱禱雨以濟衆生雨應時降羽化之日囑徒曰午時吾終盤足端坐以待至午其徒下拜仰視已仙去矣

葛合宗方外士也生而特異有棲雲餐霞之志稍壯雲遊四方求明師於華山窺異書於仙觀獨與黃老之學莊子之文默相契合築室於龍王尖之阿甘貧窮苦修煉亦欲收視反聽清靜無爲以成此道歲遭大旱以祈甘雨病疫請禱勿藥有喜西峯

吳公接見道貌有飄然物外之風喟然歎曰眞葛稚川之流亞
歟

商南縣志

卷一 風俗附仙釋

七

西安藝林印書社代印